

Zeitschrift: Nebelspalter : das Humor- und Satire-Magazin
Band: 86 (1960)
Heft: 4

Rubrik: Am Hitsch si Meinig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.05.2025

ETH-Bibliothek Zürich, E-Periodica, <https://www.e-periodica.ch>

Am Sitsch



fi Meinig

I hann amool als khliina Buab mit ama Schtuckh Khoola an dWand vu üüsaram Schualhuus häära gschribba: Deeti isch a Nogga. Gad won i färtig gschribba khaa hann, hanni an uuvarschemmti Flättara an da Grind häära khriagt und miina Lehrer hätt gsaid: Des Narren Hände verschmieren alle Wände. Dää Satz schribbsch hundart-mool, abar schön, susch ...!

I hann nia mee a Wand varschmiart. Hetti dar Lehrer zu miar gsaid: Loos, liabs Büabli, gäll das tuasch nia mee mahha, waich, as macht sich nitt guat, und zDeeti isch doch khai Nogga – so bin i nitt sihhar, öb ii nitt nohhär widaramool a Khoola in dHand gnoo hetti.

In Tütschland wird au widar gschmiart. Hooggakhrüzz wärdand an Sinagooga gmoolat, Heil Hitler und Nieder mit den Juden an dHüüsar gschribba, genau wia vor zwenzig Joor. Laidar khamma dia Glünggi, won aso aswas mahhand, nitt aifach mit Narra aptua. Wenns nu Narra wäärandi, so wääris nitt schlimm. As sind vor allam jungi Lütt, söttigi, wo dar Hitlar nümman ärläbht hend, wo sich als Schmiarfinkha betäätiga tüand. Und dia sind bereits widar uufghetzt. Abar vu wemm? Dia tütschi Regiarig isch entsetzt, daß ason aswas schu widar passiara khann. Darbey loot sii dia *Deutsche Reichspartei* grooß und gröößer wärda und waif doch genau, daß dia DRP nüüt andarsch isch, als a Partej voll aalti Nazihallungga. A Buach vum Rudolf Heß, Schtellvarträtar vum Füarar a. D. hätt jetz in Tütschland dussa dia viarzähhand Uuflaag ärläbht. Am Rippatropf siini Ärinnariga wärdand au truckht und am von Papen siins Buach *Der Wahrheit eine Gasse* wird iifrig gläasa. Dia tütschi Regiarig abar joomarat und khanns aifach nitt begriifa, daß dWend schu widar varsauat wärdand. Wia wääris mit a paar Oorfiiga? Abar oobaduura, in da hooha Schtaatschtella dinna. Villichtar teetis nütza, wia bej miar.

Gruß aus Ciarino

As gitt bi üüs no Winkeli,
Wo jeda jeda kennt,
Ob Schwizzer oder Tschingeli,
Ma gitt anandar d Händ.

Nitt alli Tag, 's isch woahr,
Das wär au übertriiba,
Nu zwüscha Wianacht und Neujohr,
So mag's au immer bliiba.

Iar liabi Lütt, miar sind vom Land,
Miar sind nitt riich, nitt arm,
Miar händ villiicht nitt viel Verstand,
Durfür a bitzli Charme.

Wia wärs, wenn in dar ganza Welt
A jeda täti jeda kenna?
Ma spaarti soo na Huufa Geld
Und hätt kei Angst ... z varbrenna.


Igel

Im Atelier

Luigi Vitelli malt ganz modern. Er zeigt einem Kunsthändler sein neustes Werk: «Es Bild vo mir Frou! Was säget dr derzue?» Der Kunsthändler (nach eingehender Betrachtung des Gemäldes): «Loset junge Ma, hoffetlech überchömet dr kener Ching!» FL

Der Unterschied

Im Restaurant saß ich mit einer Ostberlinerin beim Tee. Die reichhaltige Speisekarte durchsuchend sagte ich ironisch lächelnd zu ihr: «Wer die Wahl hat, hat die Qual», worauf sie seufzend antwortete: «Das gibt's bei uns drüben nicht.» HK



Aether-Blüten

In der gemütlichen Sendung «Auf ein Wort, Herr Nachbar» des Südwestfunks fiel die verkehrstechnisch interessante Frage: «Wie soll man das einer Kuh verständlich machen, daß sie nur links überholen darf?» Ohohr



Empfohlen durch:
RUDOLF ZEHNDER
Importeur großer Marken
ZÜRICH - TALACKER 41

In jedem Glase **Asbach-Uralt** sind alle guten Geister des Weines